

Glieke Rechten för all

Froolüü un Mannlüü bünd gliek vööl weert. Froolüü möten nich mehr achter d' Ovend in d' Huushollen versuren. Wichter gahn nett as Jungse na d' School, lehren en Beroop un düren sük darin bewiesen.

Un doch liggen in vööl Familjen de Rebetten „Kinder“, „Huushollen“ un „Pleeg“ in de Haan van Froolüü. Dat geiht faken to Lasten van de Erfolg in d' Beroop.

In Neddersassen lett de Andeel van Froolüü in Leidsteden van Firmen to wünsken över: Upsichtsraadsposten bünd nettakraat to 27 Prozent mit Froolüü besett, dat Top-Management kummt noch nich nmaal up 20 Prozent. Daarbi willen Froen mit hör Weten un hör Könen övertügen un nich mitliedig as „Quotenfros“ ofstempelt werden.

Froolüü laten sük vandaage nich mehr so licht de Botter van 't Brood neh-



Insa Schindler gehört zu dem Team, das für die OZ plattdeutsche Kolumnen schreibt.

men. Dat markt man an all Ecken un Kanten. Olle Zoppen möten d'r of!

In Spanien hett man nu as Bispill dörssett, dat de Reklama Spöltüg för Kinder nicht mehr in Jungs- un Wichterspöltüg indeelt. Warum dürden Jungse nich ok mit Puppen spölen? Wichter können un düren sük ok för Rennautos un Lego begeistern un möten nich immer blot nüdelke Prinzessinnen in pinke Kleer wesen, de achter d' Puppenwagen an lopen.

Dat sogaar de Bosten van Mannlü un Froolüü de glieke Rechten hebben, is nu in Göttingen dörssett worden. Siet Anfang Mai düren hier Froolüü mit nakend Bosten in d' Swemmbad gahn. Lest Sömmer hett en Froo hör Bikini-Bovendeel in 't Swemmbad uttrucken un wurr daaruphen för de Döör sett. Dat hett gode Wellen slaan.

De Initiative „Glieke Bost för all“ is daartegen an gahn. Kieneen finnt dat anstödelk, wenn Mannlüü kien Bovendeel dragen. Daarbi is de Ankiek van nakende Beerbuken en hangende Bosten bi Mannlüü seker nich immer mooi. Well as Froo sien Bosten nakend in d' Openlikkeid wiest, sörgt daartegen aver för Upregen.

Dat hett sük so in uns Sellskupp inbörgert, man bi Lucht bekeken is dit Meten mit twee Maten temelk kindsk. Wi bünd all nakend up de Welt komen. Wichtig is doch, dat sük elk in sien

Lievwerk good föhlt, dat he sük nich scheneren of verstoppen mutt. Nich de Hüll un de Förm makt de Weert van en Minsk ut, sünnern, wat in hum steckt.

KOLUMNE

Moin, Moin
Schrievers moje
allerbest **Spraak** hoop
Pläseer **Verteilseel**
Smüstern

Platt maakt

Man wat lehren wi noch van sükse Debatten? Wenn wi Tied un Energie hebben, uns mit sükse Spitzfinniken utnanner to setten, mutt uns dat würlkelk good gahn. Well en paar Gramm Stoff as Inschränken van sien Freiheit anstücht, sull vielleicht en Blick up de Froen in Afghanistan wagen, de blot dör dat smale Gitternett van hör Burka in de Welt kieken düren.